

HSET PHILÊMÔN

Bàu hmàih

¹ Phaulô mangai tù da Chuaq Jesus Christ, xam Timôthê, oh daq bèn achìh ka Philêmôn, mangai bua ma haten hatia, mangai ma hadai abroq dèh mòeq qmang ti bèn,

² hloe ka Apbi, aih mangai oh daq cadri da bèn, Achip aih mangai bua da bèn ma hadai wiang tajêh, xam ka Tagop Hadròeh ma tagop ta hnim ìh:

³ waiq dôq ìh jah kan tabàih xam kan catèm enh Boc Plình, aih Baq da bèn, hloe xam enh nòe Chuaq Jesus Christ!

Manoh lùì xam kan loq waq da

Philêmôn

⁴ Au xan manè apôi yôt dèh Boc Plình, jò au hmàng trùh ìh tabàu waiq khàn,

⁵ majah qmang aih au hia tàng manoh lùì xam kan ìh loq waq ka bài mangai hadròeh.

⁶ Au waiq khàn dôq ìh jah pajùm manoh lùì ti nhèn òeq broq ka ìh jah loq tam yeo bàc hòm bài xôq ramot enh dalam ka Chuaq Jesus Christ.

⁷ Kan loq waq ìh khoe broq ka au jah lem bùi kàn xam kan alòng, majah qmang aih canòm ka ìh, manoh bài mangai hadròeh da Chuaq khoe jah blình hlài.

Phaulô bòch am ka Ônêsim

⁸ Qmang aih enh dalam ka Christ, yac ka au i cwiang the ìh broq trong ìh ma ep broq,

⁹ mahaq jao kan loq waq da ìh dài au majah enh cali calo ka ìh, broq qmang aih ma yeo lem Au kô Phaulô, khoe craq, yàng manòeq kô taiq Chuaq Jesus Christ loh tam ka oe tù hòim,

¹⁰ au cali calo deh ka kon aih Ônêsim, mangai khoe wia kon au jò au oe qne rawiang caxi datoq;

¹¹ enh nêh, haq ùh i lòeq cleq ka ìh, yàng manòeq kô lòeq ka ìh bàc trong lòeq hloe xam ka au: au the haq hlài ta ìh,

¹² haq tìah ka cliac clèm au diq.

¹³ Au enh padràng haq oe hlài tacô ti au, òeq hu blòh ìh patìh ka au jò au qnang oe taqne rawiang caxi datoq taiq Bàu lem.

¹⁴ Mahaq au ùh enh broq qmòe yac ka yiniq cleq jò qnhòq jah bàu ìh, dòq trong lem ìh ma broq aih ùh xài taiq kan panan, mahaq diq loh enh manoh hnhoh jang.

¹⁵ Canau haq khoe talah òo ka ìh toq biaq òeq ìh jah hlài haq hloe hloe,

¹⁶ pi hiaq ngan haq qmang ka hapông díc hòim, mahaq ngan haq ùh hnau ka hapông díc, tìah ka oh daq ma haten hatia, ma yeo loe aih haten hatia ka au, loq ka ìh aih kiang ma yeo hnau, enh chac hamac trùh enh dalam ka Chuaq.

¹⁷ Qmang aih tàng joq ìh ngan au tìah dèh ka bua ìh, ìh òh yòc haq tìah ka cla au diq.

¹⁸ Tàng joq haq i broq cleq hăbô ka ìh, i pòq dòeh ìh cleq, ìh taqmòq dǒng ka au beq.

¹⁹ Au kô Phaulô, tì kǝng cla au achìh ka ìh bàu kô: I au caqnaih da ìh da ìh hòmh ìh pòq dòeh au qmòe chac cla ìh raq, mahaq ma aih ùh ràu dèh.

²⁰ Joq ê daq, au toq tangèh jah kan lem bùi kô ajang ìh oe enh dalam ka Chuaq, enh dalam ka Christ ìh drah broq ka au jah tìah dèh ka manoh enh beq.

²¹ Au achìh jàiq kô ka ìh, au khoe lùì joq ìh loq iu bàu, au loq ìh broq ùh hnau ka bàu au ma anoe kô.

²² Èh tam mòeq yiniq hòmh, ìh ngan padon òòeq ka au hnim padài, majah qmang aih au lùì rameh canòm ka bàu oh daq waiq khàn, au jah hlài ti oh daq.

²³ Êphap-ra, aih bua oe tù ti au enh dalam ka Chuaq Jesus Christ, tanap bàu bòch hmàih ka ìh,

²⁴ Mǝc, Aritac, Êdema xam Luca bua abroq pajùm ti au hanoh qmang aih.

²⁵ Waiq kan tabàih dech enh Jesus Christ aih Chuaq bèn oe ti mahua yiang pì!

Hset Hadròeh
The New Testament in the Hre language of Vietnam,
translated by Baq Thi

Copyright © 2024 Baq Thi

Language: (Hre)

This translation is made available to you under the terms of the Creative Commons Attribution Share-Alike license 4.0.

You have permission to share and redistribute this Bible translation in any format and to make reasonable revisions and adaptations of this translation, provided that:

You include the above copyright and source information.

If you make any changes to the text, you must indicate that you did so in a way that makes it clear that the original licensor is not necessarily endorsing your changes.

If you redistribute this text, you must distribute your contributions under the same license as the original.

Pictures included with Scriptures and other documents on this site are licensed just for use with those Scriptures and documents. For other uses, please contact the respective copyright owners.

Note that in addition to the rules above, revising and adapting God's Word involves a great responsibility to be true to God's Word. See Revelation 22:18-19.

2025-07-23

PDF generated using Haiola and XeLaTeX on 26 Jul 2025 from source files dated 23 Jul 2025

03fbbc53-13cb-5444-945a-741163b0252d